



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 15. Concilium Melodunense.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. *lus rem tantam neglexerit, ac dissimulaverit, Magistratum & Ministros ad implendum officium suum non compulerit, si in eo loco Romanus Pontifex commoretur, cum suis Fratribus Cardinalibus omnibus infra mensem exeat, & antequam satisfiat, illuc nunquam revertatur. Præterea si populus, tertium monitus, Rectorem suum, sic excommunicatum a Regimine amovere contemserit, civitas Interdicto Ecclesiastico subjaceat. Hæc Constitutio die vigesima Novembris anno millesimo ducentesimo vigesimo quinto data est.*

§. XV.

Concilium Melodunense.

to. 11. p. 290. **C**um in Octava Omnium Sanctorum, videlicet die octava ejusdem mensis Novembris, Ludovicus Rex Concilium, Meloduni celebrandum, convocasset, Episcopi Franciæ, præsentate Romano, Legato S. Sedis, instantè a Rege, & ejus Baronibus petierunt cognitionem omnium causarum de rebus mobilibus, ob quas Ecclesiarum Vasalli contra quemcunque coram Episcopis actionem moverent, affirmantes, Ecclesiam Gallicanam hujus juris possessione gaudere. Quibus Rex se opponens argumentis evidentibus assererat, dissonum rationi esse, quod peterent, cum causa mobi-

mobiliū, nisi ea vel vi juramenti, vel Feudi & Homagii, vel Testamenti, vel Matrimonii peterentur, mere laicalis sit, nec ad forum Ecclesiasticum aliquatenus pertinere videatur. Dicebat Rex, eorum possessionem irritam esse & inanem, scilicet nec Regi Philippo parenti suo, nec sibi unquam cognitam, maxime, cum nemo possit jus Domini sui deterius reddere. Tandem, Sacrae Sedis Legato animos conciliante, causa ista utrinque suspensa relicta est. Hic dispicimus, ad quasnam causas jam illa aetate Jurisdictio Ecclesiastica extensa fuerit. In eodem Concilio multum de Induciis inter Franciam, & Angliam, ac de causa Albigensium tractatum; sed tunc quidem nec de una causa nec de altera quidquam statutum est.

§. XVI.

Concilium Bituricense.

Ad Festum S. Andreae, nempe die ultima Novembris, anno millesimo ducentesimo vigesimo quinto, Romanus, Sedis Apostolicae Legatus, Concilium Biturigis celebravit, quo Regem, Episcopos, Abbates, totius Franciae Capitula, & Raimundum Comitem Tolosanum, cujus negotium Legationis suae praecipuum caput fuit, convocaverat. In eo Concilio adfuere Archiepiscopi sex, Lug-

p. 291.

Y y 5 dunen-